



Ketua Setiausaha Negera terima gelaran Datuk Amar

🕒 2021-09-27T16:50:54+08:00



Tun Taib mengurniakan Darjah Utama Yang Amat Mulia Bintang Kenyalang Sarawak, Datuk Amar Bintang Kenyalang (D.A) yang membawa gelaran Datuk Amar kepada Mohd Zuki (kiri). - *Gambar ihsan Jabatan Penerangan*

KUCHING: Ketua Setiausaha Negera (KSN) Tan Sri Mohd Zuki Ali dikurnia Darjah Kebesaran Negeri Sarawak bersempena Sambutan ulang tahun kelahiran ke-84 Yang di-Pertua Negeri Tun Pehin Sri Abdul Taib Mahmud.

Istiadat Pengurniaan Darjah-Darjah Kebesaran Negeri disempurnakan oleh Tun Taib yang turut diiringi Toh Puan Datuk Patinggi Raghad Kurdi Taib.

Mohd Zuki yang ditemani isteri, Puan Sri Norizam Che Mohd Nor menerima Darjah Utama Yang Amat Mulia Bintang Kenyalang Sarawak, Datuk Amar Bintang Kenyalang (D.A) yang membawa gelaran Datuk Amar.

Istiadat berlangsung di Bilik Menghadap Utama, Astana Negeri Sarawak, Petra Jaya di sini, pagi tadi.

Mohd Zuki yang pernah bertugas sebagai Setiausaha Persekutuan Sarawak, telah memegang jawatan KSN pada 1 Januari 2020 yang lalu.

Turut hadir menyaksikan Istiadat ini, Timbalan Ketua Menteri Datuk Amar Douglas Uggah Embas bersama isteri, Datin Amar Doreen Mayang, Timbalan Ketua Menteri Tan Sri Datuk Amar Dr James Jemut Masing, Menteri Kerajaan Tempatan dan Perumahan Dato Sri Dr Sim Hui Kian, Menteri Kebajikan, Kesejahteraan Komuniti, Wanita, Keluarga dan Pembangunan Kanak-Kanak Dato Sri Fatimah Abdullah, Menteri Utiliti Dato Sri Dr Stephen Rundi Utom dan dif-dif kenamaan yang lain.